



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

Name of School : 保良局志豪小学
学校名称 : PO LEUNG KUK HORIZON EAST PRIMARY SCHOOL
Name of Play 剧名 : 牙牙战篇
Script writer 剧作者 : 卢嘉能导师

Synopsis 故事大纲:

六岁的阿 Kay 跟所有小孩子一样，十分喜欢吃糖果。在某个晚上却发生了不可思议的事情，她竟然走进了自己的口腔里，遇到不同的怪物，但这些怪物竟然都是来自自己的身体？奇异的历险旅程即将来临……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第一场

地点：阿 Kay 的房里

[Kay 在玩玩具，饰演着姐姐并与玩具玩煮饭仔]

爸爸： (房外) 阿 Kay，差唔多时间要瞓喇嘞！

Kay： (大叫) 哦...！

妈妈： (房外) 你刷咗牙未嘍？

Kay： (大叫) 刷咗嘞...！

(帮玩具刷牙) 喺，你哋都要乖乖啲刷牙㗎，知道嘛？

(玩具 A) 姐姐...姐姐，我仲想食糖呀！

(玩具 B) 我都系呀，我想食两粒！但系你哋已经刷咗牙喇嘢——

(玩具 AB) 求吓你呀，姐姐.....唔该.....

对唔住啊，今日啲糖已经畀我食晒嘞... (神秘地) 不过就有朱古力豆，咁得唔得先？

(玩具 AB) YEAH——

[敲门声]

【爸爸、妈妈打开门，在门口】

Kay： 爸爸、妈妈？

妈妈： 你仲未收好啲玩具？

Kay： 我啱啱先帮佢刷完牙啫。

爸爸： 咁叻？咁你系咪都刷咗先？如果无刷牙，就会甩晒啲牙——

Kay： 梗系有啦，洗乜讲。

妈妈： 咁你又记唔记得听朝要早起身，番去练合唱团呀？

Kay： 系㗎.....

爸爸： 好啦，咁快啲瞓，听朝就等爸爸带你哋落去食个早晨全餐！

Kay： 好嘢！多谢爸爸！

妈妈： 咁快啲熄灯瞓喇。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

Kay: Yes Mammy!

【爸妈一边离开一边说，Kay 隔着門偷听他们离开】

妈妈: 你啊，讲得出做得到先好啊，咪到时又话饱只系饮杯咖啡就算数。

爸爸: (学 Kay) Yes Mammy!

妈妈: 成日半夜就挂住食啲朱古力豆，肚饿慨话晚餐就应该食多啲。

爸爸: 边有成日嗜，就你见到嗰次啫嘛.....

妈妈: 仲唔认？成排朱古力豆越嚟越少？口痕慨话不如..... 【离开】

Kay: (对玩具) 佢哋终于走咗嘞。

【拿起玩具镜照自己的牙齿】睇吓我啲牙齿几靚呀，先唔会

(学爸爸) 甩晒啲牙——

【发现，用手指摸】咦，点解好似入面只牙有黑色嘅？唔通我刷牙刷行唔干净？（笑）算啦，听朝刷番咪得咯。

【从书包拿出朱古力豆】登噠！你哋睇吓，系脆脆朱古力豆呀！仲要有五只颜色咁多啱啱！你哋今日就食黄色，我就食红色。食朱古力真系好幸福呀！

【揽着玩具躺在床上，口里左右地转动住，渐渐睡着】你哋唔可以同爸爸妈妈讲嘍，如果唔系以后都会有脆脆朱古力豆食㗎.....



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第二场

地点：Kay 的梦境内，红红的，看起来像是她的口腔里。

[音乐入]

【细菌 1-4 舞动着出现】

众细菌： 蛀牙大王阿 Dee... 蛀牙大王阿 Dee... 蛀牙大王阿 Dee...!

【Dee 出现，众细菌不停地欢呼，Dee 一个手掣众细菌和音乐都停了】

[音乐 out]

Dee: 我能够有今日嘅个成绩，全靠大家慨帮忙同汗水。你哋嘅努力绝对唔会白费，以后有咩需要到我帮手慨话，随便开声，上刀山落火海，我阿 Dee 一定全力以赴!

【众细菌欢呼】

细菌 1: 阿 Dee ——!

细菌 2: 我哋今日开始要改口嘞。

细菌 3: 冇错啊，应该要叫阿 Dee 做——

细菌 4: 蛀牙大王!

众细菌: (大叫) 蛀牙大王...蛀牙大王...! ——

Dee: 好嘞好嘞...都系一句啫，你哋都系叫番我做阿 Dee 啦。

细菌 1: 阿 Dee，咁我哋跟住要做啲咩啊?

细菌 2: 系咯，Boss 有冇新嘅行动交界我哋做呀?

Dee: 估唔到你哋都几勤力㗎啫?

细菌 3: 梗系啦，我哋好努力咁推举你做我哋嘅蛀牙大王㗎。

细菌 4: 仲有我哋不眠不休咁同口水兄弟战斗㗎。

Dee: 所以 Boss 都知道你哋辛苦嘞，佢叫我哋休息一日。

【拿出红色朱古力】况且你哋睇吓?



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

细菌 1: 咁熟面口嘅?

细菌 2: 好似系喱排阿 Kay 成日都食嘅——

细菌 3,4: 脆脆朱古力豆!

Dee: (大笑) 所以洗乜咁心急? 只要我哋喱位身体主人阿 Kay 每晚都继续含住朱古力豆刷牙, 想几时进攻就进攻, 到时我嘅白菌细佬妹都要听晒我话!

【众细菌边说边舞动着分解动作】

细菌 1: 我哋会慢慢分解朱古力豆嘅糖分.....

细菌 2: 正呀! 入面一定有好多糖分㗎!

细菌 3: 到时就会有好多好多酸素。

细菌 4: 阿 Kay 仲要有咬烂到, 只系含住喺度。

细菌 1: 换言之口水兄弟会好迟先发现到我哋?

细菌 2: 佢哋发现嘅时候经已太迟㗎。

细菌 3: 因为我哋已经令到牙齿嘅矿物质全部流失晒。

细菌 4: 咁喱度咪会有好多好多蛀牙大王? **【众细菌大笑】**

Dee: 跟住就帮 Boss 侵略喱个身体!!

众细菌: **【欢呼】**阿 Dee...阿 Dee...阿 Dee! **【Kay 进来】**

Kay: **【发现朱古力豆】**系我粒脆脆朱古力豆啊!! 咦...咁臭㗎?

细菌 1: 你系边位啊?

细菌 2: 入到嚟招呼都有就嘈喧巴闭?!

Dee: (礼貌地) 请问你系属于边个部门㗎?

Kay: 部门? 都唔明你讲乜。我叫阿 Kay, 今年已经系小学一年级!

众细菌: 吓, 身体主人阿 Kay!! ?

Kay: 乜嘢主人话? 系呢, 喱度边度嚟㗎? 仲有呀, 你哋好还番粒脆脆朱古力豆畀我嘞㗎!

细菌 3: 你咁都仲要问?